

NAMIBIA SENIOR SECONDARY CERTIFICATE

FIRST LANGUAGE OSHINDONGA ORDINARY LEVEL 4106/3

PAPER 3 Literature

2 hours

Marks 60

2018

Additional Material: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **three** questions, **one** from Section A **Poetry**, **one** from Section B **Prose** and **one** from Section C **Drama**. Of the three answers, **one** must be an essay.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

OMALOMBWELO NOMAUYELELE KAALONGWA

- Nyola omayamukulo goye mEmbo lyOmayamukulo ndyoka wa pewa.
- Nyola Onomola yOsenda, Onomola yEkonakono nEdhina lyoye kEmbo lyoye lyOmayamukulo.
- Nyola nopena ombulau nenge onduudhe.
- Ino longitha okadhimitho komeya.
- Yamukula omapulo **gatatu**, **limwe** okuza mEtendo lyaA **IyUutewo**, **ekwawo** okuza mEtendo lyaB **IyOoprosa nekwawo** otali zi mEtendo lyaC **IyOodrama**. Epulo **limwe** lyomwaangono gatatu nali kale ekwakuhololwa.
- Kotokela esipelo lyiitya, elongithonawa lyiileshitho netungo lyomatumbulo.
- Omwaalu gwiitsa ogwa gandjwa miikondekithombine [] konima yepulo kehe nenge yoshitopolwa shepulo.

This document consists of **8** printed pages.



Republic of Namibia

MINISTRY OF EDUCATION, ARTS AND CULTURE

ETENDO A: UUTEWO

Metendo muka hogolola mo epulo **limwe** alike.

- 1 Lesha okatewo haka ka za mu**Mombago yOmukongo** ku **Hans Daniel Namuhuja**, e to yamukula omapulo agehe.

Ekango

Nankambo li n' uutoye momakunde
Nangombe li n' omulyo moshingali
Nekulupe ta nyekula.

Nankambo okuukwankala li li
Nangombe okuumbugantu wevi
Oko lya kolong' ondjugo.

Nankambo lyaa ku li kiikelegendjo
Nangombe kiiti yaa londwa kukadhila
Shil' okomuna gwantsa.

Okantu kuutele ka mon' ekango okanongo
Okantu komomugulu ke li holola paantu
Tu li lekel' iimbamba.

Nankambo omapuku ge li funda po
Nangombe omanembundu ge li fundila kokule
Li ninge lyet' aalumentu.

Nankambo ando etapwa nontungwa
Nangombe ekulukulu lyoshilongo
Kali yiwa nashilundo shako oko to shi adha.

Nangombe okwa li hali tselelw' okatana
Kuuguga kuNembungu
Nangombe hali yambelw' okangombe kuKayone
Okamutand' okatana, kokukutha p' oshidhila.

(***H.D.N***)

- (a) Pamadhiladhilo goye omuteyi okwa hala oku tu lombwela shike sho a longitha iitumbula mbika? Shi koleka.
- (i) nankambo li n' uutoye momakunde [2]
- (ii) nangombe kiiti yaa londwa kukadhila [2]
- (iii) kali yiwa nashilundo shako oko to shi adha [2]
- (b) Eendululo olya nwetha mo ngiini ehuku lyokatewo haka? Shi koleka. [2]
- (c) Pamadhiladhilo goye, omuteyi gwokatewo haka oku uvitile ngiini ehala ndyoka ta hokolola? Koleka eyamukulo lyoye niitsa **iyali**. [3]
- (d) Omuteyi okwa longitha ngiini entuupeko, e tu etele puuyelele uukwatya wekango lya tumbulwa mokatewo? Koleka eyamukulo lyoye niitsa **iyali**. [3]
- (e) Holola niitsa **itatu** nkene omuteyi e tu yelithile kombinga yokumona omongwa mokatewo haka. Shi yelitha niitsa **itatu**, shi ikolelela kokatewo. [6]
- [20]

NENGE

- 2 Lesha okatewo taka landula ka za **muNdilimani Omutotiitewo** ku**Pendukeni Amunyela**, e to yamukula epulo lya pulwa.

Omusindani

Oye omudhiginini
Mbepo omunashili
Tate omupangeli
Omuwa omutalanteni
Omusindani omuyuuki.

Komushigakano a yeluthwa
Kuusi a yumudhwa
Kuhe a yi ta galuka
E ye kepangulo
Nkene ndi itaala emangululo.

Eso elulu okwa teya
Oshipaka shomakwegga
Ekulilo e tu longele
Nombinzi ndjo ye
Ependa nomugundjiliki.

Eso olya sindwa
Nepangelo lyalyo
Elyenge lya teywa
Uulunde mbu uululu
Muwo twa hupithwa.

(P. Amunyela)

- (a) Hokolola etumwalaka ndyoka omuteyi a nunina aaleshi mokatewo haka.

Shi ninga niitya **125 – 150**.

[10]

- (b) Hokolola nkene omuteyi a longitha elaka, opo e tu yelithile kutya eso olya sindika mokatewo haka.

Shi ninga niitya **125 – 150**.

[10]

[20]

ETENDO B: OOPROSA

Metendo muka yamukula mo epulo **limwe** alike Iya kuthwa mu**Filemon Elifas** ku **H.D. Namuhuja** nenge **Yokomotunda ya theta** ku **H. Kangalange**.

3 Lesha okahokololo haka ka za mu**Filemon Elifas** ku **H.D. Namuhuja**, e to yamukula omapulo taga ka pulwa.

Oomvula dhokuza 1973 sigo ngaa unene 1974, Owambo oya li yi itilwa ketembu enene. Etembu inaali monika nale mondjokonona yaSuidwes Afrika. Poomvula ndhoka aantu oya kala taa tembuka mo mOwambo, unene aagundjuka, aamati naakadhona. Oya kala taa idhenge oondjila yu uka kuAngola. Pethimbo lyoomvula ndhoka, maagundjuka Aawambo omwa mbunyuka ombepo yokutseya uuntu.

Mesiku eti-25 juni 1974, omukwaniilwa Shuumbwa okwa li a pulwa momutumba gwawo opo a tye sha kombinga yomapupugunda nga taga zi mOwambo. Okwa thikama nokwa ti: “Omunashipundi omusimanekwa, onda thikama sho ndi uvite kutya, nangame wo ondi na okutya sha koshikundathanwa shi. Ote zimine pamwe noshilyo shoka tashi ti iinima ayihe mpano oyi li nawa, kutya oondjambi oombwanawa, omanga wo epangelo li ipyakidhila nokutula po omahala gomaiyanyudho. Kandi shi naanaa shoka sha halika kaagundjuka.”

“Ngashingeyi ote popi ongOmuministeli omukuluntu gwOwambo, ihe sigo oompaka inandi mona ootu elaka tali zi momukunda tali ti: ‘Momukunda gwetu omwa zi aantu ye thike mpa; inandi taamba nando olapota ya tya nga.’ “Otandi mu indile amuhe, iilyo iisimanekwa, tu kaleni kumwe tse tu tale shoka tatu vulu okuninga po, opo tu gamene mba ya thigala po opo yaa landule yakwawo.”

Esiku limwe manga omukwaniilwa Shuumbwa e li muuwa we, omwe ya ookuume ke yaali, ye ya oku mu talela po. Oya falwa poshinyanga shohungi mpoka ya kala sigo omukwaniilwa e ya kuyo. Ayehe oya li ya nyanyukwa esiku ndyo, onkee oya tameke wo okukundathana etembu ndyo lyi itila oshilongo, Iyo lyaa na ehulilo. Gumwe gwomookuume ke okwa pula omukwaniilwa nokwa ti: “Tate, oshilongo shi li po tashi pu. Aantu otaa yi kuAngola. Epangelo olya dhiladhila wu ninge po ootu sha?”

“Eeno,” omukwaniilwa ta yamukula. “Oonkambadhala dho dhene opo dhi li, ihe walyewo ngele otadhi ka tompola tuu sha.” “Opwa dhiladhilwa ando shike tate?” Kuume gumwe ta pula. “Otwa dhiladhila ooyene yomikunda ye ye ya lopote aantu mbo taa yi, nenge ya hala okuya, opo ya keelelwe okuya.”

Aawambo oyendji mbono ya tembukile kiilongo, oya tameke okugalula ewi lyawo. Oya kala taa imbi yo taa popi mooradio. Oshiiimbo shimwe sha kala hashi imbwa moradio yaZambia, osha li hashi imbwa tashi popi omukwaniilwa Shuumbwa. Oshiiimbo shika okwa li hashi ti:

‘Lombweleni Ndjoba,

Nomusi Elifas,

Otatu ya tu ya longithe.’

Esiku oshiimbo shoka shu uvika moradio yaZambia, aantu oyendji oya kala ye li ooyaali nooyatatu taa ipula oshiimbo sho. Omolwashike mbela ya li ye na okwiimba omukwaniilwa Shuumbwa ye e na omwenyo.

Omukwaniilwa Shuumbwa okwa kala pethimbo edhigu. Okwa li pethimbo lyuuyuni wongolo, kaawu na mukweni. Nando ongawo, ayihe okwe yi tula kothingo e ta leke. Okwa kala hi ikumike noohapu e dhi lombwelelwe komukumagidhi gumwe, pelalo lye lyoshilongo; ta ti: “Omukwaniilwa ngashingeyi owa ningi ihe eha lyetu lyokuumbila iiyagaya, naashihe shoka inaatu hala.”

Esiku limwe omukwaniilwa Shuumbwa okwa ka talela po yina kEpale, ngaashi he shi ningi shito. Aantu yaPale oya li ya simaneka Shuumbwa noonkondo. Shaa tuu kwa monika kutya ehauto ndyono tali ya, olyaantu yaNamungundo, nena shaa ngoka oto nguungula opo wu konge oshipundi shi kale sha longekidhwa opo omukwaniilwa a adhe ayihe yi li melandulathano.

Esiku ndyoka e ya mEpale, okwa li a tegelelwa mo, oshoka elaka olya li lya thikithwa kutya omukwaniilwa ote ya ko mOlyomakaya. Nashikwele, Omuyamba gwaLukonda, okwa li a nyanyukwa esiku ndyoka. Shuumbwa wo okwa dhimbulula kutya, ine ya owala okuyama, okwe ya wo okulongwa. Okwa li wo a nyanyukwa, oshoka okwa adha egundji lya hula. Sho ya yi moonkundathana, Nashikwele okwa pula omwana ta ti: “Nda ti, ongiini ano? Ilonga yeni otayi ende ano ngiini?” Aaludhe oya nyenga Namwandi te ya tsile oohi, ihe oya vulwa, ekupa e taa li holeke.

- (a) Omushangi gwehokololo ndino **Filemon Elifas**, okwa hala oku tu lombwela shike, sho a longitha iitumbula mbika? Shi koleka.
- (i) owa ningi ihe eha lyetu lyokuumbila iiyagaya [2]
- (ii) aaludhe oya nyenga Namwandi te ya tsile oohi [2]
- (b) Omushangi gwehokololo ndika **Filemon Elifas** okwa longitha ngiini omudhaninkandangala, opo a yambule po omithigululwakalo dhOshiwambo? Gandja iitsa **iyali**, e to shi koleke. [4]
- (c) Gandja onkatu **mbali** ndhono dha kuthwa kaahepekwa, opo ya kondjithe omahepeko moshinyolwa shika **Filemon Elifas**. [2]
- (d) Hokolola nkene omushangi e eta mo ethigilofogo mokambo haka **Fillemon Elifas**. Shi ninga niitya **125 – 150**. [10]
- [20]

NENGE

4 Yokomutunda ya theta ku H. Kangalange

Hokolola nkene omushangi gwokambo **Yomomutunda ya theta** a gandja elongo li shi okulandulwa okupitila momunyandi Tashiya shaKauzindje.

Shi ninga niitya **250 – 300**. [20]

ETENDO C: OODRAMA

Metendo muka yamukula mo epulo **limwe** tali zi m**Okanona mondhikwa yemwanka** nenge mul**nga** ku**Angula T. Njembo**.

5 Lesha okatendo haka ka za mul**nga** ku **A.T. Ndjembo**, e to yamukula omapulo taga ka pulwa.

Ndeshimona: (*esiku limwe ti ipopile mokagumbo ke*): Ondungethaneke ndji ndi na po, oyo ashike te tula miilonga, ndi tale ngele otayi longo ngaa shili. Andi ya ashike ndi lole. Otandi dhengele omukulukadhi. Elago enene oyo ndyono, sho ongodhi yandje hayi vulu okunenepeka ewi lyaango ta popi kongodhi ya kwatakanithwa nayo.

Nyanyukweni: (*ta yamukula ongodhi*): Haloo, omaandjaPombili.

Ndeshimona: Ombili meme Nyanyukweni, sho nde ya pongodhi, ihe ondi na oonkundathana oondhigu. Nokandi shi wo ngaa ngele oto pitika ndje ndi dhi ku lombwele.

Nyanyukweni: Kandi uvite ko nawa kutya owa hala ndi ku kwathele ngiini ntowele. Owu na uupyakadhi wa pumbwa koshipangelo pamwe? Iho ya kungame kokapangelo ntowele?

Ndeshimona: Ohandi mono okamoyemati Ndakalako, ka fuula ndje. Onda hala nduno wu kwathe ndje ndi mone okamati, ando ka fa naanaa koye, inaapu penga nando osha.

Nyanyukweni: He yokamwandje, omusamane gwandje, ngu a hokana ndje pampango yepangelo noyongeleka.

Ndeshimona: Osho ngaa nda popi nale petameko meme kutya, shi tandi ku indile oshidhigu. Nomolwashono osha pula ndje omukumo nomatokolo omanene, opo ndi thike koshipala shoye, nonando nde shi ningi pangodhi.

Nyanyukweni: (nonkumwe): *Ntowele!* owa ti tuu ongweye lye nowa kala peni?

Ndeshimona: Ongame Inga, Inga-twi-itseyeni-nale. Na kandi shigwokokulekule.

Nyanyukweni: Omusamane oye ngoka ntowele Inga, tala kutya oto shi pititha ngiini, opo e ku kwathele kwaasho to pula shokanona okamati ka fa kandje.

Ndeshimona: Tangi meme. Itandi ke ku dhimbwa we monkalamwenyo yandje ayihe meme. (*Ta dhiladhila omatumbulo gaPombili*) "Oshili shampa we ya neyamukulo lya za komukulukadhi gwandje, a zimina, otandi ke ku kwatha."

Ndeshimona: (*mombaanga*): Mee Nyanyukweni, oshike wa menekela mombaanga ongula yi thike mpono?

Nyanyukweni: Onda tumwa komusamane gwandje, ndi mu ilile ko oshimaliwa notyeke ye ndji. Okwa hala oku ka za po.

Ndeshimona: Kalunga kandje! Elago omuntu e li na. KOvendula oko lela nda hala okuya. Ngame otandi yi mokafudho koshiwike shimwe. Onda hala wo okuya kOvenduka nohauto yu ukilila, yo oyomuntu omwiinekelwa, shaashi Ovenduka kandi yi shi lela nawa. Ando ta yi ko ye ta galuka ko meni lyoshiwike shimwe.

Nyanyukweni: (*sho a mono Ndeshimona ta thiki*): Oh! Wa thiki nale Ndeshimona ntowele? Mbela wa ningi ashike sho te piti mo mombaanga nangoye owa landula ko?

Ndeshimona: Onda kala mo ngaa okathimbo. Kegumbo oko ashike inaandi ka pita we. linima yandje onda adhika nde yi longekidha nale.

Nyanyukweni: (*Sho omusamane gwe e ya po*): Oye nduno Ndeshimona ngo he popi ha yakula ndje nawa moombaanga. Okwa hala wu mu faalele kOvenduka, ne tamu zi ko naye ishewe.

Pombili: Ooh! Ndeshimona ho popi oye ngunoo? Ohandi ya mo ngaa olundji mombaanga, ihe inandi ku tsakaneka nando onale.

Nyanyukweni: Ndeshimona ntowele, tate Pombili oye ngoka. Ngweye tate ino ekelahi omunona. Ota ti, mOvenduka ke shi mo nawa. Mu kwathela moompumbwe dhe adhihe.

Pombili: (*sho ye li mondjila*): Owa hala ndi ke ku helulile peni naanaa Ndeshimona?

Ndeshimona: Omoshilando mo mwene. Shitiwa, oto kala peni, mpo tandi ku adha mEtihamano sho tatu shuna?

(a) Omushangi okwa holola Ndeshimona omuntu guukwatya wa tya ngiini mehokololo ndika **Inga**? Shi koleka. [2]

(b) Omushangi okwa longitha ngiini omudhaninkandangala, a nwethe mo omaiumbato gaagundjuka moshinyandwa shika **Inga**? Gandja iitsa **iyali**, e to shi koleka . [4]

(c) Omushangi okwe tu etele ngini puuyelee kutya Pombili ke shi omuntu omwiinekelwa moshinyandwa **Inga**? Shi koleka. [4]

(d) Hokolola nkene omushangi a hala a nwethe mo omaliuvo gomupulakeni nii ningwanima ya hololwa moshinyandwa she.

Shi ninga niitya **125 – 250**. [10]

[20]

NINGE

6 Okanona mondihikwa yemwanka ku A.T. Ndjembo

Hokolola nkene omushangi a longitha oshitopolwa shopamutungilovi moshinyandwa shika **Okanona mondihikwa yemwanka**, opo e tu etele puuyelee etumwalaka lyoshinyandwa she.

Shi ninga niitya **250 – 300**.

[20]